

G J A L D S K R Á

fyrir Rafveitu Vatnsleysustrandarhrepps.

I. RAFORKA

Rafveita Vatnsleysustrandarhrepps selur raforku á þann hátt og við því verði, sem hér segir:

1. Lýsing.

1. Um kwst.mæli á kr. 9.20 hver kwst.
2. Um kwst.mæli á kr. 3.42 hver kwst. auk fastagjalds, er nemi kr. 41.30 á ári af hverjum fermetra gólfflatar í rúmi því, er lýsa skal. Fullt fermetragjald skal greiða af gólfleti í verzlunum, vinnustofum og á skrifstofum, en fyrir geymslur og ganga skal greiða kr. 13.77 af fermetra á ári.

2. Almenn heimilisnotkun.

1. Um kwst.mæli á kr. 2.06 hver kwst. Auk þess skal greiða fastagjald kr. 16.53 á mánuði af hverju herbergi íbúðar. Í útreikningi á fjölda herbergja skal telja öll herbergi sem ætluð eru til íbúðar, og eldhús. Herbergi sem er minna en 5 m², skal teljast sem hálf, en stærra en 25 m², sem tvö. Leiga af einum mæli er innifalin í fastagjaldinu. Þar sem meðalstærð herbergja í búð er undir 10 m², má miða við sameiginlegt flatarmál þeirra. Þannig að hverjir 10 m², jafngildi einu herbergi og 6 m², hálfu herbergi.

3. Vélanotkun.

1. Um kwst.mæli á kr. 5.00 hver kwst. Hafi vélarnar mjög stuttan notkunartíma, má krefjast minnsta ársgjalds kr. 1018.00 á hvert kw. vélanna.
2. Til fiskiðnaðar með fasttengdum vélum, kr. 2.06 hver kwst.
3. Ef uppsett rafvélaafl fasttengdra véla við fisk-, kjöt- og mjólkuriðnað er yfir 20 kw.
 - a. Um kwst.mæli á kr. 1.47 hver kwst., enda megi þá rjúfa strauminn í allt að 3 klst. á dag í mesta álagstíma rafveitunnar um hádegið og síðdegis en þó eigi lengur en 1½ klst. í senn. Notandi kostar klukkurofa fyrir vélalagnir eða tvígjaldsmæli, sem er til eftirlits með að rofið sé á tilskildum tímum.
 - b. Um tvígjaldsmæli á kr. 8.85 hver kwst. í 1½ klst. tvisvar sinnum á dag á tímum mesta álags rafveitunnar.
 - c. Um tvígjaldsmæli á kr. 8.85 hver kwst. í 1½ klst. á dag á tímum mesta álags rafveitunnar, en þó eigi lengur en 1 klst. í senn, en á kr. 1.59 hver kwst. utan þess tíma.
4. Um mæli á kr. 1805.00 hvert kw. mesta notaðs afls á árinu, mælt sem 15 mínútna meðalálag og auk þess kr. 1.06 á notaða kwst.
5. Ef ekki eru tók á að mæla mesta notað afl má selja þannig: Um mæli á kr. 1180.00 fyrir hvert uppsett kw. vélanna og auk þess kr. 1.06 á notaða kwst.

4. Hitun.

1. Um kwst.mæli á kr. 0.71 hver kwst., enda megi þá rjúfa strauminn allt að 3 klst. á dag á mestu álagstímum rafveitunnar um hádegið og síðdegis, en þó eigi lengur en 1½ klst. í senn.
2. Um kwst.mæli á kr. 0.35 hver kwst. í 9 klst. á tímum frá kl. 22 til 7.

Önnur skilyrði fyrir raforkusölu til hitunar.

- a. Að vélaafl, línur og spennar þoli álagið að dómi rafveitustjóra.
- b. Að notandi setji klukkurofa fyrir hitalögnina og kosti viðhald þeirra. Þó getur rafveitustjóri ákveðið, að rafveitan leggi til rofa og annist viðhald þeirra. Kostar þá notandi tengingu þeirra og greiðir leigu af þeim samkv. reglum, sem gilda um leigu mæla.
- c. Að hitalagnir, þar með talin öll tæki, séu gerð samkv. fyrirmælum rafveitunnar, ofnar fasttengdir með sérstökum rofum, og hitastillar notaðir.

5. Önnur raforkusala.

1. Raforku til suðu má selja til gistihúsa, veitingahúsa, sjúkrahúsa og annara slíkra staða á kr. 2.71 hverja kwst. enda sé notkun mæld með sérmæli og suðutæki fasttengd.
2. Til nota um vinnulagnir við byggingar meðan á byggingu stendur, um kwst.-mæli á kr. 5.13 hver kwst.
3. Til bökunarofna í brauðgerðarhúsum um kwst.-mæli á kr. 0.83 hver kwst., ef straumur er rofinn frá kl. 8.30 til kl. 22, eða um tvígjaldsmæli á kr. 0.83 hver kwst. á tímanum frá kl. 22 til kl. 8.30 og kr. 2.06 hver kwst. frá kl. 8.30 til kl. 22.
4. Til gatnalýsingar á kr. 2.06 hver kwst.

Alla rafmagnsnotkun, sem ótalin er og ekki kemst undir aðra liði þessarar gjaldskrár, skal selja eftir 1.1.

Þegar sérstaklega stendur á, má rafveitustjóri þó, að tilskildu samþykki rafveitustjórnar, veita afslátt frá gjaldskrárliðum 3—5 (báðir meðtaldir) á orku, sem notuð er á sumrin, sé um aukningu frá vetrarnotkun að ræða. Enn fremur að selja orku eftir sérstökum samningi, sé það hagstætt vegna orkunýtingar rafveitunnar.

II. MÆLALEIGUR

Rafveitustjóri ákveður stærð og gerð mælitækja, sem nota skal fyrir hverri veitu og er sú ákvörðun skuldbindandi fyrir notandann, sem skal greiða af mælitækjum sem hér segir:

1. Af einfasamælum upp að 30 amp. kr. 13.57 á mán.
2. Af þrífasamælum upp að 50 amp. — 16.83 á mán.
3. Af þrífasamælum 50 til 200 amp. — 43.66 á mán.
4. Af þrífasamælum yfir 200 amp. — 61.06 á mán.

Af öðrum mælitækjum en þeim, sem nefnd eru í gjaldskránni, skal ársleigan vera sem næst 20% af verði mælitækisins.

Leigan er innheimt um leið og gjald fyrir raforku.

Hafi gjald samkvæmt gjaldskrá þessari ekki verið greitt, svo til lokunar hafi komið fyrir veitu, skal taka gjald fyrir enduropnun kr. 312.00.

Ef fundin eru óleyfileg eða of stór vör við skoðun, skal veitunni lokað tafarlaust og verður hún eigi enduropnuð fyrr en notandi hefur greitt kr. 312.00 á skrifstofu rafveitunnar.

III. HEIMTAUGARGJÖLD

Rafveitustjóri ákveður stærð og gerð heimtaugar og/eða spennistöðvar fyrir hverja húsveitu. Umsækjandi heimtaugar skal gera grein fyrir væntanlegri notkun húsnæðis og helztu raforkunotkun. Ein heimtaug er lögð að hverri eign (hverri lóð), og skal greitt heimtaugargjald af hverri heimtaug (spennistöð) fyrir allt að

15 metra jarðstrengsheimtaug og allt að 30 metra loftlínuheimtaug samkv. eftirfarandi töflu:

Gjaldskrá- liður	Málstraumur í 3×220 V kerfi Amp.	Stofnvara í 3×380 V kerfi Amp.	Hámarks- afl KVA	Heimtaugar- gjald kr.
1.	2×60	1×60	13	8 142.00
2.	3×60	2×60	22	10 797.00
3.	3×100	3×60	38	15 470.00
4.			50 sp.	18 320.00
5.		3×100	66	25 444.00
6.	3×200		75	30 942.00
7.			100 sp.	36 639.00
8.	3×350	3×300	132	50 752.00
9.			150 sp.	58 240.00
10.			200 sp.	73 278.00
11.		3×350	231	84 453.00
12.			300 sp.	116 512.00
13.			500 sp.	194 730.00

Sp. = spennir.

Rafveitan leggur ekki jarðlínu heimtaugar að húsum á þeim tíma, sem frost er í jörðu.

Lengd heimtaugar reiknast frá lóðarmörkum við götu, stytztu greiðfæra leið að varkassa í útvegg. Teljist hagkvæmara að hafa kassa á innvegg skal leita samþykkis rafveitustjóra um gerð og frágang pípu, sem strengurinn verður dreginn í. Sé jarðlínuheimtaug lögð frá loftlínu (samkv. ósk heimtaugarbeiðanda) skal lengd heimtaugar reiknuð frá loftlínustólpa að inntaksskassa, en skeri heimtaugin akbraut, skal breidd akbrautar dregin frá. Yfirlengdargjald jarðstrengs reiknast á hvern metra, umfram fyrstu 15 m þannig: $YI = (300 \times 4 \text{ KVA}) \text{ kr./m}$. Yfirlengdargjald loftlínu reiknast á hvern metra umfram fyrstu 30 m þannig: $YI = (300 \times 3 \text{ KVA}) \text{ kr/m}$ að viðbættum kr. 4070.00 á hvern staur í umframlengd. Sé lögð bráðabirgðaheimtaug í vinnuskúr eða í hús í byggingu, skal greitt fyrir hana sem hér segir:

60 amp. einfasa	kr. 2 034.00
60 amp. þrífasa	— 2 445.00

Séu aðstæður þannig að kostnaður við lagningu bráðabirgðaheimtaugar verði óeðlilega hár, má taka gjald fyrir hana samkv. kostnaði.

Telji rafveitustjóri að auka þurfi flutningsgetu heimtaugar eða spennis, skal notandi greiða mismun, samkv. gjaldskrá, sé nauðsynlegt eða hagkvæmara að setja upp spennistöð að mestu eða öllu leyti vegna eins notanda, skal hann leggja til lóð eða húsnæði fyrir spennistöð, eftir því sem hagkvæmara þykir að dómi rafveitustjóra vegna staðsetningar stöðvarinnar. Þegar lóð er lögð til, er það gert rafveitunni að kostnaðarlausu, og skal í öllu hlíta skilmálum rafveitunnar um stærð og staðsetningu stöðvarinnar.

Þegar húsnæði er lagt til skal það fullnægja settum skilyrðum um gerð spennistöðvarhúsa, að dómi rafveitustjóra. Eðlilegur kostnaður notanda við gerð húsnæðis fyrir spennistöðina greiðist af rafveitunni (í leiguformi t. d. fyrir lengri tíma), og kemur þannig til frádráttar heimtaugargjaldi.

Gjaldskrá þessi gildir í skipulögðum hverfum. Sé um óskipulagt hverfi að

ræða, eða aðstæður óeðlilegar, skal greiða heimtaugargjald samkv. kostnaðarreikningi. Helmingur heimtaugargjalds skal greiddur við umsókn, en síðari hlutinn áður en notkun hefst.

VI. ÝMIS ÁKVÆÐI

Söluskattur samkv. lögum nr. 10/1960 um söluskatt, með síðari viðaukum og breytingum, er talinn með í upphæð gjaldanna, sem um ræðir í gjaldskrá þessari.

Hreppsnefnd er heimil að hækka og lækka gjöld þau sem um ræðir í gjaldskránni um allt að 20% án sérstakrar staðfestingar ráðuneytis, enda sé breytingin auglýst í Lögbirtingablaðinu, áður en til hennar kemur.

Gjaldskrá þessi staðfestist hér með samkvæmt vatnalögum nr. 15 20. júní 1923, og orkulögum nr. 58 29. apríl 1967, til þess að öðlast gildi þegar í stað, og birtist til eftirbreytni öllum þeim sem hlut eiga að máli. Jafnframt eru úr gildi numdar eldri gjaldskrár Rafveitu Vatnsleysustrandarhrepps.

Lönaðarráðuneytið, 22. apríl 1970.

Jóhann Hafstein.

Jóhannes Guðfinnsson.

AUGLÝSING

um gjald fyrir afnot stöðumælareita í Reykjavík.

Samkvæmt heimild í 65. gr. umferðarlaga nr. 40 23. apríl 1968 hefur eftirfarandi verið ákveðið:

Á Vatnsstíg, Frakkastíg, Vitastíg, Barónsstíg, Ránargötu, Bárugötu og á 5 reitum á bifreiðastæði við Garðastræti, verður gjald fyrir afnot stöðumælareita fimm krónur fyrir hverjar byrjaðar 30 mínútur.

Lögreglustjórnin í Reykjavík, 25. maí 1970.

Sigurjón Sigurðsson.

Staðfesting forsetans á skipulagsskrá fyrir Skólamerkissjóð Eiðaskóla, útgefin á venjulegan hátt ad mandatum af dómsmálaráðherra 29. maí 1970.

Skipulagsskráin er þannig:

SKIPULAGSSKRÁ

Skólamerkissjóðs Eiðaskóla.

Til sjóðs þessa var fyrst stofnað með upptöku merkis fyrir skólann á 75 ára afmæli hans 1958. Merkið teiknaði Þórarinn Þórarinsson, skólastjóri og var það vígt og helgað á afmælishátíðinni af biskupi Íslands Ásmundi Guðmundssyni, dr. theol., fyrsta skólastjóra Alþýðuskólans á Eiðum.